

道教靈驗記卷之六

廣成先生杜光庭集

老君靈驗

蜀州壁畫老君驗

蜀州紫極宮東軒廊下有畫老君一尊手深而彩色鮮瑩金碧如新郡人祈福每有徵應時任從海監州領資州兒頭軍在宮中屯駐衆人戲弄弓箭之際有一官健把弓箭告衆曰我射老君前橫金一條若中即衆人爲我置酒人或止之曰橫金是老君曲几也正當功德必不可輒射言未訖而射之箭勢徑去到老君前有物擊迴中於階下楠木樹上其聲震烈如勁弩焉繞箭中樹官健已死衆人扶持救之胸前血流不絕

京光天觀黑髭老君驗

黑髭老君在京右街務本坊光天觀東聖祖院夾紵所作功用精能相好周圍常作所不可及日月角隆起身長丈五六餘左右侍立有玉童玉女十二人真人八身金剛力士神王各四身兩壁畫金甲神王各八人天樂各

一部老君黑髭山水收黃金九鳳冠凭机而坐悵儼嚴備不知所置年月亦不知所製之由也代宗皇帝嘗夢爲二青童所召云聖祖命皇帝從遊四海之外夢中隨二童至老君所帝著絳紗衣平天冠執圭立於老君之後遊十洲三島六合四極海嶽山川無不備到

歷歷記之朕從儀衛一無遺忘既覺命畫工圖之宣示京師求訪其像於先天所驗部仗人物一與所夢同焉敕塑御容乘五色雲立從於老君之後選高德道士七人焚修住持內庫及度支別給服用齋廚刻石以紀其瑞焉

終南山玉像老君驗

終南山蓋屋界樓觀谷中玉像老君高三尺五寸白玉所琢不知何年代藏於山中開元年間玄宗皇帝夢聖祖真像乘雲冉冉而下至帝之前帝拜起禮謁聖祖曰吾在終南之陰久矣不久當於興慶與彼相見言訖乃隱詔內臣與道士就終南山尋訪累日不獲因設醮告祈忽見谷中有紫雲如蓋翳鬱而起

尋其起處攝未盈丈已得玉琢真容驛表上奏明皇即於興慶宮大同殿備法物羽儀百官迎引祥風入律瑞雲如蓋帝親捧接朝拜置於大同殿中以白玉爲座衆寶龕悵莊嚴護持焉四海生靈日夕焚香祈禱其後於座

上夜見神光兩條視光出處有兩點如酥信宿之間結爲玉芝兩莖各長四寸是時太白山又獲瑞符因宣示百官大赦天下改函陽縣爲真符縣諸節度大鎮置真符玉芝二觀封太白山爲靈應山金星洞爲嘉祥洞劃同昇爲碑文立於樓觀焉

玉局化玉像老君驗

玉局化玉像老君天寶中觀前江內往往夜中有光從水而出高七八尺上赤下白其末如煙來人瞻之以爲有寶器之物撈撿求訪又無所見時明皇幸蜀夢有聖祖真容在江水之內果有人因見神光夜於光處得玉像老君以進高餘一尺天姿瑩潔其相圓明殆非人工所製駕迴留鎮太清宮其光見處號爲聖容壩亦是玉女壩金沙泉古跡連捷矣

玉像老君自近年以來不知所存

### 閬州石壁成紋自然老君像

閬州石壁自然石文老君像中書舍人高元裕謫授閬州刺史是歲大旱元裕禱祈山川祠廟無不周詣忽於玉臺觀前瞻望山東叢林之上見有紫氣披榛徑往果有嵌竇懸泉在峭巖之曲喬木之下有石壁奇文自然老君之狀前有玉童環袖捧爐雙鬢高束後有神王之形恭若聽命元裕焚香叩祈以崇尊為請而運未及州甘雨大霑聯綿兩夕遠近皆足乃翦雜蕪翳創為齋宮立碑銘以紀其事於懸泉之下堰為方塘注為流杯曲水之池雜植花果松竹遂成勝賞光啟羊大駕還京先庭奏置玄元觀龍詔褒允至今郡中水旱祈祝靈驗益彰矣

### 蜀州鐵老君像

蜀州紫極宮鐵像老君高五尺餘古所製作不知年代亂離之時大殿焚毀巨木爭摧老君像相不傷全彩如舊郡人共稱靈應官未興置移老君於舊壇之上以竹瓦覆之未有

門牆亦無紗牒遮護主宮道士胡師虔家在

唐興時末檢杖見老君胸襟之上有人題號老君之祠師虔以水洗拭猶微有蹤跡忽見一僧携油香於老君前禮拜叩頭懺悔泣而有請杯焚楮之三二十楨終無吉應問其故云後學小僧愚意題老君胸上毀謗大聖因成重症一日三度為神靈考打骨肉糜碎性命恐在旦夕對答之詞具述此過懇求懺謝而未蒙教應又焚香告擲竟亦不得是夕歸還小僧已卒矣

### 三泉黑水老君像

興元三泉縣黑水老君天寶年中明皇幸蜀親見老君降見於崖石之上下馬禮謁訖乃勅所司示以所見之狀望於見所綿歷歲年累有靈應危重摧毀棟椽交侵時僖宗大駕還京先庭獲備扈衛以其年二月十五日降聖節日奏請皇帝躬拜捨香奏置為中興宮增修聖跡節度司尋便進救崇葺旋駕海內多事復已荒涼時于均為三泉令素亦就味玄理歸誠正真躬往焚香者數矣一旦有兇

黨十餘人來據老君堂內剽剝行旅侵劫道

途被劫者驚恐亦奔投老君堂側草中潛伏遠逃見羣賊挺刃荷戈捷運所得財物入于堂中俄有巨蛇自座下而出電目血舌吐氣如煙噬殺三輩餘黨棄甲奔逃顛仆而死者又二三人草中潛伏者熟視其異亦恐蛇威未敢遽出頃之被盜之人相次皆至云路中有報云羣賊盡已散去速於老君堂中收認財帛相率而來亦不知所報者何人也自是行路所傳無復寇賊巨蛇亦不復見

### 昌明縣靈集觀鐵老君像

昌明縣靈集觀鐵像白馬老君高丈餘觀在郭外扁額不嚴有興教市鑄治鐵工父子二人夜入觀中欲毀鐵像以益其鎔鑄二童子已抱毀將去是夜老君自移至安期觀三門之外約行四五里道士開門見之移置於大殿之上六十餘人方能共舉兩觀與邑中驚異其事莫知所移之由旬日有鐵冶人來方說治匠父子二人偷得古鐵童子碎於鑪中鼓鞴之際鐵液兩條自鑪中涌溢而出勢如

迅雷各長丈餘燒殺父子二人既而驗其所碎知是白馬老君童子爾老君像至今只在安期觀大殿之內

駱全嗣遇老君驗

昆明池使駱全嗣黃巢犯關宮城失守南北紛擾中外倉惶全嗣其日偶在私第忽有官司報云諸司使並宣令入內單騎徑往至興安門門已閉矣東馳望仙門人相蹂踐馬不可進或聞人言駕已西去矣復逐其家骨肉百餘口亦已奔散獨心計曰骨肉此行必有入力部署唯聖上巡省臣下且合扈從我不可以骨肉為憂且徑求大駕所在遂乘馬馳出開遠門門亦壅咽奪馬殺傷甚多乃投金光門人稍少躍馬而出至昆明池側日已晚矣逃難之人衣冠士庶携老挈幼或憩林野之中或聚道路之畔如此者不知其數全嗣頃幸於華清宮閣上夢親拜老君及覺求得一小燈修奉香火已十年矣每出入必焚香禮謁是日亦途固不及矣至是乃投近池佛堂中人眾聞咽皆非相識繫馬於佛堂柱上

入室內西北隅倚壁而坐唯此座傍稍無一人心愛力憊昏然成寐忽聞呼其姓名者嚙覺視之乃一老叟眉鬚皎白素衣策杖謂之曰勿憂聖人直往西南去矣神明奉術固無他真常常帝王猶天神地祇所保況太上自

化身耶爾之骨肉只在後面小堂中吾令人導引之並無憂苦便可詣彼相見自此入蜀克保安全但堅臣節孝行萬靈所衛矣言訖失老叟所在遂就後面小堂中尋得骨肉一無所遺失是夕方覺悟恨不將得老君憐來燒香虔謝及明取料谷路擊家過山得達行在詔監興元兵馬百口骨肉咸獲要安乃圖繪老君像益加嚴奉矣其弟全壘為東川監軍全壘為會軍都監兄弟之中皆荷聖力所護立功榮感況其一家乎

崔齊之遇老君驗

崔齊之咸通十四年春奉使山南東川以其私便取略谷洋州路行及洛陽公廟南五六里路側石上有一老人齊之訝其不起目之再三老人以手招齊之齊之心異之下馬徑

往老人揖之今坐曰大夫此行頗有重厄疾色成矣石邊有一瓢取之傾酒與飲曰得此酒可解其半性命無所虞也然此去過秋方得迴迴及上京已非舊主矣聆其異說加敬而問之老人曰今秋聖上晏駕幼主將立此

後四海沸騰兵戈相接社稷危於緩旒太上老君自降生宮中為鎮安宗社以定此難生已十二年矣大夫迴時當事幼主也自此可以栖心於道勿以榮達介懷更三五年外求事當今在遠京西關外主持簡靜之務可以全身遠害矣齊之問曰至人所居何處將來之事何先見如此也老人曰吾以汝稍有道氣可以與語此皆吾之身事豈不知之耶言訖失老人所在但覺異香良久是年至東川齊之瘡作及秋方愈七月懿皇昇遐僖宗登極前言果驗齊之入秦賜紫廣明中天下亂離干戈已起求為京西步驛使駕在成都追至行在加將軍稱疾辭位與十軍私道其事遂南遊五嶺名山絕粒訪道或在巨廬茅山不知所適矣

賴處士說老君降生事驗

賴處士者江湖人也。在楊公玄默門館為客。十餘年矣。不知其道術所習。楊公每盡禮敬之。若師友。為多在宅內。少有見者。楊公時為左軍。有小判官數人。有王有梁。王則辨博聰明。人多致敬。必謂其有非常之位也。梁則謙默。謹靜。慎重。寡言。人多疎之。必謂其不肖也。唯使宅軍將成君。賞與梁稍狎。賴處士忽於宅門與成語曰。致身之道。先須識貴人。頗識之乎。成曰。某愚暗。何以能辨。賴曰。仙丈教之處士曰。梁大夫貴人也。此後當主樞機重務。吾子立身。領旄節。須在其手。善依託焉。王大夫雖聰穎如此。壽且不永。將殁於他鄉。此後宗社不寧。天下荒亂。干戈競起。梓曆甚危。太上老君自降。王官作幼主。以扶此難。社稷可以存耳。梁大夫主機務。吾子領藩方。皆在幼主之手。可自寶愛耳。吾自此不復留也。數日處士辭楊公而去。成異其言。禮敬於梁。交結甚固。俄而楊公罷權位。王有罪。竄於南方。死于道路。其言愈驗。咸通十四年秋。梁為內樞密

成爲軍使。僖宗即位三日。對軍。日色初出。微照階砌。聖上起更衣。未坐。梁公醒然憶悟。賴處士之說。因臨階與成話之。左軍韓公頗異其私語。詰之。再三。梁與成以實白之。韓以少主初立。中外未安。聞此言。極爲慰喜。自是成持節滄州。譬如賴處士之說。中原紛擾。胎禍積年。社稷晏安。宮城再復。駐蹕數年。聖德如一。僖皇中興之力也。

道教靈驗記卷之六

道教靈驗記卷之七

廣成先生杜无庭集 常五

老君靈驗

賈湘事老君驗

賈湘累世好道。崇奉香燈。諱職計司家。頗豐瞻然。其修奉。物至人所不及。有一幅老君像。幘持以自隨。所至之處。雖一日一夕。亦設焚香之位。應感之效。不可殫述。黃巢既陷長安。大駕西幸。湘裊金帛。挈骨肉。自東渭橋出。道則剽掠之人。不知紀極。其一家百餘人行。行李無所。驚懼。遂於龍角山下。葺居避難。衣冠及遠近道流。皆投其家。各與拯紀。請道流轉道。德度人。經不啻萬卷。有羣賊忽圍其家。湘入告老君。乃出與語。賊投刃於地。羅拜其前。湘問其故。默而不答。拜亦不已。湘捨而入。門羣賊猶拜。唯稱罪過。湘哀入持繒帛。使人與之。慰勉。移時稍稍而去。一無所取。自此外戶不扃。人無敢犯。或問羣惡有何所見。而反拜之。曰。我見賈常侍左右。神兵極多。皆長數丈。牙口瞪目。似欲吞噬。不覺亡魂喪膽。惟恐不得